



اوزبیکلرنینگ کیلیپ چیقیشی حقیده تورلی فکرلر موجود. بعضی عالمر کۆچمنچی اوزبیکلرنینگ کیلیپ چیقیشینی آلتین اۆرده خانى اوزبیک نینگ (1312 - 1340) نامى بیلن باغلهیدی. ن. ا. ارستاو نینگ فکرچیه؛ «اوزبیک خان گه چه اوزبیک نامى تاریخده اوچره مهیدی، شونینگ اوچون هم بو نام پادشاه نینگ نامى دن باشلنگن، دیش ممکن.» ا. یو. یعکوبسکی «اوزبیک» عباره سی نینگ پیدا بۇلیشینی «اوزبیکلر» (کۆپ لیگی «اوزبیک یون») اۆزی بیلن باغلهیدی، اولر اۆز ناملرینی شو آلتین اۆرده خانى اوزبیک نامى دن آلگنلر، دیگن فکرنی بیلدیره دی. ی. پ. ایوانوف هم شوندهی نقطه نظری تۇغری، دیب بیله دی. چیت ایلیک تاریخچی لردن م. ا. چیلیچکه و خیلده خو کخیسیم هم اوزبیکلرنینگ کیلیپ چیقیشینی اوزبیک خان نامى بیلن باغلهیدی. ل. (سلطان جلال الدین منگو بیردی دوریده (1220 - 1231) آذربایجان ولایتی پادشاه سی آتیبیک اوزبیک دیب اتهلردی) اۆز پیتی ده بوندهی فکرلرگه و. و. گریگوریوف قرشی چیقن ایدی. ا. ا. سیمیانوف هم بو فکر نینگ اساس سیز ایکن لیگینی کۆرسه تیب اۆتگن. اونینگ ایتیشیچه، «اوزبیک» عباره سی آق اۆرده ده اول دن بۇلگن و ایران همده اۆرته آسیا تاریخچی لری 14-15 نچی عصرلرده آق اۆرده ده گی تورک-مغول قبیله لری نینگ همه سینى شوندهی اتهلگن. اوزبیک خان ایسه کۆک اۆرده، یعنی آلتین اورده نینگ پادشاه سی بۇلیب، کینچه لیک اوزبیکلر دیب اتهلگن قبیله لر اونگه بۇیسۇنمه گنلر! بیز ا. ا. سیمیانوف حق بۇلسه کیره ک دیب اۆیله ییمیز.

ح. وامبری، خوارس و. م. پیللیانینگ فکرچیه، دشت قیچاق نینگ تورک-مغول قبیله لری بو نامنى اۆزلىرى نینگ ایرکین لیکلری سببلى آلگنلر. ح. وامبرى ده قویده گیچه قیزیق معلومات موجود: «اوزبیک» سۆزى نینگ توب معناسى «اۆزى اۆزى گه بیک، خو جهین، مستقیل» عجا، بو سۆز قدیمگی مجارلرده (مجارستان یا هنگرى ده) هم مرتبه، عنوان صفتی ده اوچرهیدی و شو معناده 1150 ییل گه منسوب حجتلرده قید ایتیلگن.

«اوزبیک» سۆزى 13-14 نچی عصرلرده، جووینی و رشیدالدین لرنینگ اثرلریدن هم معلوم ایدی. بو سۆز ایلخان آباکه (1265-1282) زمانیده ایران ده یشه گن پیری بهانینگ (تاج الدین ابن بهاوالدین) داستانی ده هم

اوپچرەيدى. اوشبو اثرىنىڭ پىرى بەھ نىڭ اۋغلى زىن الدىن قزوینی تامانىدىن يازىلگن، دوامى دە «اوزبىكى يون»، «مملكتى اوزبىك» و «اولوسى اوزبىك» سۆزلىرى اوچرەتەمىز. بو يىردە سۆز آق اۋردە كۆچمىچىلىرى ايمس، آلتىن اۋردە خانى اوزبىك-خان و اونىڭ دولتى حقىدە دىر.

شوندىن كىيىن، تا 14 نچى عصرىنىڭ 60 يىللىرىگىچە «اوزبىك» اۋزى مەنبەلەردە اوچرەمەيدى. 14 نچى عصرەدە يشەب ايجاد ايتگن عرب مۇلفلىرى، نصرالدىن ابن فورت (1361-1404)، الاسدى (1377-1447)، العىن الدىنىلىرى (1361-1452) اوزبىك-خان و اوندىن كىيىن آلتىن اۋردەدە حكىمرانلىك قىلگن باشقە خانلىرى «شمال دشتلىرى نىڭ پادىشەلىرى»، «دشت سلطانلىرى»، «دشت مملكتلىرى نىڭ پادىشەلىرى» و «قىپچاقلىرى نىڭ پادىشەلىرى» دىب اتەگنلىرى. بو يىردە شونى ھم ايتىپ اۋتۇش كىرەك كە، باشقە بىر عرب تارىخچىسى الكاشانى (1418 يىلدە وفات ايتگن) تۇختەمىشنى «اوزبىكلەر پادىشاھى» دىدى. نظام الدىن شامى (14-15 نچى عصر) اۋز رسالەسىدە تۇختەمىش اۋغلان نىڭ دشت قىپچاق دىن سمرقندگە كىلگن تىسۋىرلەنگن اۋرىندە بۇندە يازەدى: «او (تىمور) تۇختەمىشگە اۋترار و ساوران ولايتلىرىنى عنایت قىلدى و اونى اۋشە بىرلىرگە يوباردى. بىر قنچە وقت اۋتگندىن كىيىن اوزبىكى پادىشاھ اۋروس خان نىڭ اۋغلى قوتلوغ بوغا قۇشىن بىلەن كىلىپ، تۇختەمىش اۋغلان بىلەن جىڭ قىلدى.»

مەلۇم كى، آق اۋردە نىڭ خانى بۇلىپ تۇختەمىش 14 نچى عصرىنىڭ 30 نچى يىللىرى آخىرىدە تىمورنىڭ فعال ياردىمى بىلەن ماوارالنھىرىنىڭ شىمالى تامانلىرىنى تىسۋر قىلىپ تورردى. 1390 نچى يىلى تىمور اونگە قرشى قۇشىن سوردى. تىمور قۇشىنى سىرىغ اۋزى دىگن بىرگە ايتىپ كىلگنلىرىدە نويانلىرى و امىرلىرى يىغىلىشىپ، اگر بىز اول انقا تۇرە اوستىگە يورىش قىلىپ، او گزىندەنى يەنچىپ تىشلەسك، سۇنگرە اوزبىكلەر دىارىگە (دىارى اوزبىك) اۋتسك مەقولراق بۇلەردى، دىب (تىمورگە) عرض قىلدىلىرى. تىمور اوشبو رىجەگە راضى بۇلىپ، بۇرى باشى آرقەلى انقا تۇرەگە قرشى يورىش قىلدى. عبدالرزاق سمرقندى تىمورنىڭ انقا تۇرەگە قرشى يورىشىنى بە تىسۋىل بىان قىلەدى. جىملەدىن، اثر دە بوندە دىيىلەدى: «ھجرى 792 يىلى نىڭ (مىلادى 1390) اۋزىدە تىمور مەغۇلىستانگە قرەب يوردى (او وقت دە مەغۇلىستانگە كاشغر و اندىجان قرەرىدە) و يول دە اوچرەگن اسىرلىرى اونگە انقا تۇرە نىڭ مەغۇلىستاندىن قاقىپ كىتىپ، اوزبىك صحرالىرىدە (در صحراى اوزبىك) يشىرىنگنلىگىنى ايتدىلىرى. تىمور عىسكىرلىرى قاقچاقلىرىنى اوچ كونگەچە اوزبىك دشتىدە بىھودە اىزلىپ يوردىلىرى و نھايت، تۇرتىنچى كونى قاراۋللىرى باغى نىڭ شو بىرگە يقىن جاي دە اىكنلىگى خىبرىنى ايتكىزىشىدى. اۋتكىزىلگن قىسقە مصلحت كىنگاشدىن سۇنگ تىمور قۇشىنلىرىنى اوچ

قىسىم گە بۇلىپ، انقا تۇرە و اونىنگ قۇشنىنى ايزلب تاپىش گە كىرىشىدى. جمال الدين حميد و شاهزاده عمر شىخنىنگ عىسكىرلىرى ياونى اۇرەب آلىش گە كىرىشىدى. تىمور بۇلسە اۇرتەدە قالىپ، قارە خوجرنى كىسىپ اوتدى لردە، مۇغوللارنىنگ اساسى چىكىنىشى يوللىرىنى تۇسىپ قۇيدى لىر. قىياس مۇضىعەدە انقا تۇرەنى قۇويپ ايتىپ، مغلۇبىت گە اوچرەتدى. (تۇرە چىكىندى) عمر شىخنىنگ اۇغلان لرى انقا تۇرەنى قويپ، آلاى كول گە چە باردى لىر.»

منبع لىر انقا تۇرەنىنگ تۇختەمىش بىلن علاقەسى تۇغرىسىدە بىران- بىر خىر بىرمەيدى لىر. اما، مۇغوللار قىدرتلى تىمور گە قرشى كورەشىش نىھائىتى دە تۇختەمىش بىلن اتفاق بۇلىش گە ايتىلگن لىر و 1388 يىلى حقىقتەن ھم مۇغول حاكىمى قىرالدىن (1362-1363 - 1388-1389 يىلى) تۇختەمىش بىلن اتفاق تۇزىش گە ايرىشىپ، عمر شىخنى جولىكندە گى جىنگ دە اىنگىش گە موفىق بۇلگن.

يوقارىدە كىلتىرىلگن دىلىل لىر، بىرىنچى دن، دشت قىپچاقنىنگ چۇل قىسمى اوزبىك دشتى، دىب اتەلگنى دن، اىككىنچى دن ايسە، بو پىت گە كىلىپ، كۇچمنچى اوزبىكلر سىردىبانىنگ شىمالى تمانىدە گى يىرلرنىنگ انچە گىنە قىسمىدە (حاضر گى قازاقىستاننىنگ جنوبى دە) حىكمران اىكن لىك لرىدن دلالت بىرەدىلر. تۇختەمىش قۇشنىلرنىنىنگ اكثرىتى كۇچمنچى اوزبىكلر ايدى لىر.

خاند امىر ھم 1388-1389 يىللار واقەلرى حقىدە سۇز يورىتگنى دە تۇختەمىش قۇشنىلرنىنى اوزبىك قۇشنىلرى (سپاه اوزبىك) دىب ايتەدى. 1319 يىلى قوندوزچەدە گى جىنگ دە قتەشگن قۇشنىلرنى ھم خاند امىر اوزبىك قۇشنىلرى دىدى. معىن الدىن ناتزانى، ايدىگى و قوتلۇغ تىمورلر باشچى لىگى دە 1399 يىلى تۇختەمىش گە قرشى چىققن عىسكىرلرنى ھم اوزبىكلر دىدى. ايدىگى، اونىنگ او كەسى عىسى بىك و آلتىن اۇردەنىنگ كۇزگە كۇرىنگن باشقە امىرلرى شادى بىك، فولادخان، اولوغ محمد (ياكى محمد خان) يوقارىدە گى تارىخ نويس لىر تامانىدن دشت قىپچاق و اوزبىك ولايت لرىنىنگ (پادشاه دشت قىپچاق و ولايت اوزبىك) حاكىملىرى دىب، اتەگن لىر. بو مسئله بۇيىچە مىرزا اولوغ بىكنىنگ (1409-1449) «تارىخى اربىعە الاولوس» (تورت اولوس تارىخى) رسالەسى دقت گە سزاواردىر. بو اثر دە گى معلوماتلرنى قىسقەچە بىان ايتىسك، قويدە گىچە: اوزبىك خان اوزبىك اولوسى گە (در اولوسى اوزبىك) پادشاه بۇلىپ. سۇنگرە، 720 ھجرى يىلدە (1320 مىلادى) سعید آتەنىنگ سعى حرىكتى بىلن دشت قىپچاق اھالىسى اسلام دىنىنى قبول قىلدى لىر. اسلامنى قبول قىلگن لرىنى اوزبىكلر، قبول قىلمەگن لرىنى ايسە (قلماق لىر) دىب اتەى باشلەدى لىر.

كىلتىرىلگن مەلۇماتلار اساسى دە خىلاصە قىلىپ ايتىش مۇمكىن كە، «اوزبىك» عبارەسى، دشت قىپچاق دەگى تورك-مۇغول اھالىسى نىنگ عموملىشىگن نامى صىفتى دە 15 نچى عصر دە گىنە پىدا بۇلدى.

اما، اوزبىكلار دشت قىپچاق دە فقط 14 نچى عصر آخىرلىرى 15 نچى عصر باشلىرىدە گىنە پىدا بۇلگنلار، دىب اۋىلەش خىتا بۇلور ايدى. حاضىرگى اوزبىكلار، قازاقلار، قارە قالىقلار و باشقە خىلقلارنىنگ اجدادلىرى شو خىلقلار حاضىر ىشەياتگن يىرلردە قدىم زمانلردە ھەم ىشەگنلر. لىكن اوزبىكلار، قازاقلار، قارە قالىقلار دىب اتمەگنلر. تارىخى، ادبى مەنبەلردە دشت قىپچاق نىنگ شىرقى قىسمى دە قدىم زمانلردن بىرى تورلى تورك قىبىلەلىرى ىشەگنلىرى حقىدە انچە گىنە مەلۇماتلار مۇجۇد. بو يىرلرنى 13 نچى عصر دە مۇغوللار ضىبط ايتگن بۇلسە، دشت قىپچاق نىنگ تورك قىبىلەلىرى آرهسىدە تىز آره دە سىنگىب كىتگنلر و حتى اۋز ملتلىرىنى يۇقاتگنلر. چىنگىزخان قۇشىنلىرى نىنگ اساسى قىسمىنى توركى قىبىلەلر تىشكىل ايتگنلىگىنى ھەم اونوتمەسلىك ضرور.

مسعود ابن عثمان كۇھستانى شىھادت بىرىشىچە، آق اۋردە، يعنى كۇچمىنچى اوزبىكلار تىركىبى گە قويدەگى قىبىلەلر كىرگن: بورگوت، قىيات، قۇشچى، قۇنغىرات، اوشون (اوسون)، اۋتەچى، نىھمان، جاگ، چىمباي، قارلوق، كىنەگس، دۇرمان، قورلاوت، توب، منغىت، نوكوز، تنغو، اۋىغور، خىتاي، تىمس، اىچكى، تومن، مىنگ و باشقەلر. بنايى نىنگ «شىبانى نامە» اثرلىرىدە، 15 نچى عصر نىنگ 80 نچى يىللىرىدە شىبانى خانى قۇللەب توروچى قىبىلەلر آرهسىدە ىنە شادباغلى و شونقارلى قىبىلەلىرى ھەم اىسلەب اۋتيلەدى. محمد ابن ولى نىنگ سۇزلىرىگە قرەگن دە، ابوالخىرخان نىنگ قۇشىنلىرىدە اۋىغور، مىجار و كىللىرىنىنگ جىنگاور گروھلىرى بۇلگن.

بو قىبىلەلرنىنگ كىلىپ چىقىشلىرى تورلىچە. مىثالاً؛ قۇنغىرات، نوكوز و قىياتلر- مۇغول گە، تنگولر بۇلسە تىبت گە تعلقلى.

خىتايلىر خىصوصى گە كىلسك، اولرنىنگ اجدادلىرى 10-11 نچى عصرلردە شىمالى- شىرقى خىتاي دە ىشەب حىكمرانلىك قىلگن كىدانلر دىر.

روزبەخان اصفھانى 16 نچى عصر باشلىرىدە اوزبىكلار اوچ طایفە (خىلق)، يعنى قىبىلەلر بىرلەشمەسى گە تعلقلى دىدى، بولر شىبانى اولوسى گە قرەشلى برچە قىبىلەلر، قازاقلار و نىھایت، منغىتلر. مەلۇم كە، دشت قىپچاق دەگى كۇچمىنچى اوزبىكلار اتفاقىنى تىشكىل ايتگن كۇپ قىبىلە دىر، زمان اۋتىشى بىلن برچەلەنىب كىتىب، اونىنگ قىسىملىرى قازاقلار، قارە قالىقلار، باشقرتلر و باشقەلرنىنگ تىركىبى گە كىرگنلر، اما اۋزلىرىنىنگ قىبىلە ناملىرىنى سقلەب قالىگنلر.

اون بيشينچى عصرىنىڭ باشلىرىدە يوقارىدە ايتىپ اۋتىلگن قىبىلەلرنىڭ بىر قىسمى (اوزبىكلر «اوزبىكان»)
شيبانى خان اطرافىدە بىرلەشىپ، اۋرتە آسيا حاضرىكى اوزبىكىستان و افغانستان حدودىدە تورغون بۇلىب قالگندىلر.
شوپىتدن باشلەب «اوزبىك» عبارەسى ايتتىك معنا كىسب ايتدى و بو حدوددەگى توركى اھالى «اوزبىك» نامىنى
قبول قىلدى. شو يىردە تاكىدلب اۋتیشىمىز كىرەككە، كۈچمىنچىلر، اول قەيسى قىبىلەگە منسوب بۇلسەلر اۋشە نامىنى
سقلەب قالدىلر و تا بىگرمەنچى عصرگەچە اجدادى - قىبىلوى بۇلىش لرنى سقلەب كىلدىلر. اما، اوزبىك خلقى نىڭ
كىلىب چىقىشى 16 نچى عصرگە تۇغرى كىلەدى دىگن گپ تۇغرى ايمس. بو يىردە سۇز، فقط «اوزبىك»
عبارەسى نىڭ ايتتائىم صفتىدە پىدا بۇلگن وقتى حقىدە بارماقدە. معلومكە، قدىمدن اۋرتە آسىادە توركى تىلدە
سۇزلەشۈچى خلقلر ىشەگنلر، دشت قىپچاق نىڭ كۈچمىنچى اوزبىكلرى ماوارالنھرنىڭ اۋتراق توركى اھالىسى
آرەسىدە سىنگىب كىتىپ، «آخرىكى قۇشىلگنلر» صفتىدە اۋز ناملرىنى اولرگە بىرگنلر...

تیارلاۋچى: داکتر عزیز اللہ فاریابی

Presented by:



BAYANI SOCIAL & CULTURAL FOUNDATION

www.bayanifoundatuon.com